

Feihyiz Guekgya Gaep:

Dinfwngz Doqcauh Gij Gencuz Faex Duncuz

Liengz Gwzconh Yangz Yizboh daengj

Aen Dingdah Cwngzyangz Sanhgyangh mizmingzhaenx.

Gij dinfwngz doqcauh gij gencuz faex Duncuz youq Sanhgyangh Duncuz Swciyen riuzcienz. Bi 2006 5 nyied 20 hauh, gij dinfwngz doqcauh gij gencuz faex Duncuz ndaej Gozvuyen baecinj, liedhaeuj buek daih'it guekgya gaep feihvuzciz vwnzva yizcanj mingzloeg. Doengh-yiengh faex Duncuz aeu dingdah, laeuzgyong guh daiyauj, baugvat doumbanj, laeuzgyong, ranzyouq, dingdah, Sazdangz daengj.

Doumbanj Duncuz dwg aeu faex doqcauh baenz. Doengh mbanj Duncuz miz geijcib daengz bak lai ranz, doumbanj de daihgaiq gvangq 1.6 mij baedauq, sang 3 mij baedauq. Mbanj haemq hung doumbanj couh guh lai hung di, cang hix lai ndei di. Youq mbanj Duncuz, gij yiengh doumbanj giz doxlumj lai giz mbouj doengz noix, gak miz funggek. Doumbanj miz dounaj, douswix, dougvaz sam aen roxnaeuz dounaj, doulaeng, douswix, dougvaz seiq aen. Guh geijlai aen aeu yawj mbanj hung'iq, roen geijlai daeuj dingh.

Laeuzgyong Duncuz aeu haem go faex hung guh saeudaeuz, guhbaenz yiengh aendap, daengjhwnj youq gyang mbanj Duncuz. Laeuzgyong dwg doengh ranz hung ndaw hoengq ndeu, ndawde dan miz saeuqfeiz, aendaengq, gyongfaex, mbouj miz gij doenghyiengh ranzyungh wng, hoengqhahqhangq, aen laeuz neix mbouj hawj bouxlazw gag yungh. Ciuq dauhleix daeuj gangi, doenghyiengh hung mbouj ndaej luenh yungh, ndigah cungj youq seiz miz saeh daegbied cijndaej cingqsik yungh laeuzgyong.

Doengh ranzyouq mbanj Duncuz aeu laeuzgyong guh cungqyang, cug caengz sanqhai bae, humx baenz gyoengq gencuz hung roxnaeuz iq. Laeuz Duncuz itbuen guh sam caengz, caengz ceiq laj youq gwnz namh, haemq mbaeq, aeu daeuj coq aen doiqrin daem haeux, doenghyiengh hongdawz, fwnz nyangj, humx ciengx doihduz daengj; caengz daihngaih hawj vunz youq, miz saeuqfeiz, aenrug, laelauez daengj; caengz daihsam itbuen coq haeux gwn, lij miz doenghgij doenghyiengh saedceij mbouj gingciengz yungh,

couh lumj aen cang ndeu.

Dingdah youh heuhguh giuz-roqluengq, giuzdiengz, ndaej hawj bouxvraqroen ndoj fwnrumz, hix caemh dangguh doumbanj, engqgya dwg giz vunzmbanj yietnaiq doxcomz gangigoi. Baez daengz ciet hung, beixnuengx mbanj wng daeuj doxcomz, daengx mbanj vunz comz youq gyauejgiuz, daenj buhvaq ndei couxhek, eu fwenlaengzroen, gingq laeujdaihhek, doxdax diuq fouxvenz, neix yienh'ok fungcingz minzcuz noengzna. Aen dingdah ceiq hung hix ceiq okmingz couhdwg Guengjsae Sanhgyangh Mbanjmajanh Giuz-cwngzyangz, gaq youq gwn Dah-linzhih, gungh raez 78 mij, miz song aen daiz sam aen doen haj aen laeuz.

Ranzsazdangz, hix heuhguh miuhyahcoj; daihbouhfaenh laeb youq henz buenz laeuzgyong, caeuz laeuzgyong doxlien z baenz rangh ndeu. Ranzsazdangz miz song cungj: Cungj

ndeu dwg doenghgij daiz aeu rin-ndaek laebaenz, seiqhenz humx ciengz; cungj ndeu dwg ranz caez-cienz, lumj aen miuh ndeu, miz ciengz humx haeuj.

Doenghgij gencuz neix mbouj-danh yienghsiengq ndeyawj, vanzlij ndaej haenh baenz dinfwngz gag miz. Daengx aen gencuz mbouj yungh saek swnj dingdiet, hoeng cauh ndaej youh maenh youh onj, doxswnj doxciep ndaej laemj ndei, miz gij gyaciz gunghyi caeuz yisuz sang dangqmaz.

Doenghboux canghdoq ndaw-biengz Duncuz cauh laeuz, giuz caeuz ranzyouq ne dandan baengh limjfaexcuk guh cik, baengh gij "saw saemaeg" guh dajsuenq mai giz, yungh gij hongdawz canghdoq caeuz faexmoeg itbuen bae doqcauh ok laeuz, giuz gak cungj gak yiengh, yienghsiengq ndeyawj, doq ndaej ngamj, cauh ndaej ndei, cungj hawj vunzlai haenh gyroekgyoek bae.



▲Laeuzgyong Duncuz.



▲ Bouxswnjcienz Yangz Swyi cingq doq aen vunq.



▲ Doenghgij hongdawz bonjmiz doqcauh doenghyiengh faex Duncuz.



▲Doumbanj Duncuz.



▲Ranzyouq Duncuz.



▲ Aen Sazdangz(miuhyahcoj) Duncuz.